

որ սահմանափակութիւնը բաւարար լինելուց հետո է. և եպիսկոպոսի կամայակութեան համար ընդարձակ ասպարէզ է բացուում: Քիչ կը պատահի, որ ծխականների մի մասը դժգոհ չլինի իւր հովուից, եպիսկոպոսներից—ասում է «Müchner Noneste Nachrichten»—իրաւունք է տրուում իրանց նպատակների համար քաղաքական պայքարների դէպքում օգտուել նոր կանոնով. քահանան, որ պատկանում է եպիսկոպոսի ցանկութեան հակառակ այս կամ այն կուսակցութեան, և չի հրաժարուում Լանգտատի պատգամաւորի կոչումից, կարգում է յայտնի լրագրեր և օրագրեր կամ հրատարակում ու խմբագրում է—ամեն վայրկեան կարող է առանց դատի ղրկուել պաշտօնից: Իսկապէս, քահանաները դառնում են իրաւագօւրկ:

ԲՈՂՈՔԱԿԱՆ ԵԿԵՂԵՅԻ.

Լուսեռականների ժողով.

Սեպտեմբերի 1-ին ն. տ. Բերլինում տեղի է ունեցել պրուսական աւետարանական եկեղեցուն պատկանող լուսեռականների ժողովը, որին մասնակցում էին շատ աւելի մարդիկ քան սովորաբար լինում էր:

Ժողովի ղեղավորներից առաջինն էր բողոք յայտնել մօտիկ ժամանակում Բերլինում գումարուած ազատ քրիստոնեաների համաշխարհային կօնգրեսի դէմ, որին ազատամիտ բողոքականները միացել էին հրէամիտ օտար երկրացիների հետ. ժողովի բացման ճառում սուպեր-ինտենդենդ Վետցելը յայտնել է, որ անհրաժեշտ է բոլոր ու ժով պաշտպանել աւետարանը՝ քրիստոնէական հաւատի էութեան վերայ յարձակողների դէմ մաքառելով: Պրոֆեսոր Գրիտցմախերը իւր ռեֆերատում, որի բնաբանն էր «Եռանձնեայ Աստուածը՝ մեր Աստուածն է», ապացուցանում էր Եռանձնեայ Աստուծոյ մասին վարդապետութեան կարեւորութիւնը. իսկ պրոֆ. Վիլկէն կարդաց ռեֆերատ «Հին կտակարանի նշանակութիւնը քրիստոնէական հաւատի համար»:

Ժողովն ընդունել է ի միջի այլոց հետևեալ եզրակացութիւնները. — Ա. բողոքական—լուտերական եկեղեցու դաւանութիւնը է և կը լինի Եռանձնեայ Աստուածը, որը որպէս Հայր ոտեղծեց աշխարհը, որպէս Որդի փրկեց նրան, և որպէս Սուրբ Հոգի՝ լուսաւորում է նրան։ Այն եկեղեցին, որ չի հետևում այս դաւանութեանը, էլ քրիստոնեայ եկեղեցի չէ, դրա համար էլ մենք ամենավճռական բողոք ենք յայտնում տղատ քրիստոնէական կոնգրեսին՝ որ քրիստոնէական հաւատի հակառակ քայլեր է անում, և ռացիօնալիզմին՝ աստուածաբանութեան վերաբերութեամբ։ Մենք սուրբ պարտականութիւն ենք համարում բոլոր աւետարանականների համար մնալ հին և յաւիտեանս գոյութիւն ունեցող դաւանութեան մէջ, և սերտ կերպով համախմբուել՝ նրան պաշտպանելու համար։ Աւետարանական եկեղեցու գործօնների նպատակը մենք այն բանի մէջ ենք տեսնում, որ ի պաշտօնէ և առ քրիստոնէական համայնքը սիրոյ համար այդ գործօնները արիանան այդ դաւանութիւնը եկեղեցում և դպրոցում պահպանելու համար։

Բ. Ժողովը բողոք յայտնեց «Հին Կտակարանը» եկեղեցուց ու դպրոցից հեռացնելու դէմ, որովհետեւ Հին Կտակարանը մերժելով՝ քրիստոնեայ Ժողովուրդը զրկում է «աստուածայայտնութեան էական մասից»։

Գ. համալսարանների աստուածաբանական ամբիոններում կարգել աւետարանական—լուտերական դաւանութեան հաւատարիմ պրոֆեսսորներ։

